

exalatiōes auffgezogen aus der erdē / son-
dern mit ihn werdē auch auffgezogē war-
me vñ feuchte bradem / aus dē truckē bra-
dem werdē gewirct vñ gepom die steyn
vnd nach dem dy bradem klerer / subtiler
vnd edler sind / darnach werden auch dy
stein schöner / besser vnd krefftiger / sond
aus den feuchten bradē werden gewirct
vñ gmacht die metal / vñ darnach die bra-
dem oder dunst vō klerer / vñ geleuterter
vñ wolgedauter materie auffgezogē wer-
den / darnach wird auch bestendiger vnd
besser metal daraus / Dieweil nu die beide
feuchte vñ truckene bradem werden mit
einander auffgezogen / vñ itlich nach sei-
ner natur gehertiget wird / so ist gar eyn
gewis anzeigung / so izt gesagt ist / so yn
dem flies edel gesteyn gefunden werden.

Auch wo yn dem flies oð nach darbey
schorlein kōrner / die vō gedichten vñ sub-
tiler speys sind / erfunden werden / daruō
ist nicht weit das goltwerck / aber die kōr-
ner müssen sein vō subtiler speis / denn wo
grob speisig schorlein erfunden werdē / al-
do ist wenig zu hoffen des bestē vñ subti-
listen metal / geschickt als des golds.

Das golt das vnder der tham erdē bey
den sam